

908.

1286 d. 10 Mars.

Risanäs.

Olofs af Risanäs Testamente till Husby kyrka af en hemmansdel i Risanäs Öfraby samt andel i Nedre byens skog; och ett par oxar till Kyrkoherdens; så ock dessutom sjettedelen af reda penningar och annan förmögenhet.

A. 7. a. 1; 20.

In nomine patris & filij & spiritus sancti amen testamentum suum non bene disponit qui terrenis tantum testatur heredibus & non facit christum libere coheredem, sciant ergo presentes ac posterj quod ego olauus de rysænes infirmus corpore sanus tamen mente & memoria testamentum meum ordino in hunc modum, In primis heredem constituo sacrosanctam ecclesiam husby in .VIII. parte attungi rysænes in superjorj uilla que dicitur yfraby totaliter sine omni diminucione & in illa parte silue quam habuj de halstano que dicitur aferd inferioris uille. Jtem domino beroni rectori ecclesie memorate personaliter pro anima mea lego duos boues. Insuper & sextam partem omnium bonorum meorum mobilium tam in prompta pecunia quam in omnibus alijs rebus & domibus uniuersis. siquis autem heredum meorum hoc testamentum meum attemptauerit infirmare in die districti iudicij dampnatus a domino cum impijs recipiat porcionem. In cujus rej testimonium quia sigillum proprium non habuj dominum .b. rectorem ecclesie sepedicte nec non & clementem de thegnaby rogauj quod presentem paginam sigillis suis roborarent. Actum rysænes in stupa mea presentibus domino .b. rectore ecclesie supradicte & clemente thegnaby. karulo halstanj filio & gemone rysænes & dilecta vxore mea estridi nec non & duabus sororibus meis testibus ad hoc uocatis & rogatis. Anno domini M°.CC°.LXXX°.VI°. Dominica .I°. quadragesime hora vesperarum.

Bägge Sigillen bortfallne.

909.

1286 d. 15 Mars.

Paris.

Officiel Vidimation af salubrefvet på en gård i Paris till Dom-Prosten ANDREAS i Upsala.

A. 3. a. 3; 6.

Vniuersis presentes litteras inspecturis - - Officialis Curie parisiensis salutem in domino Noueritis nos anno dominj M°.CC°. octogesimo quinto die veneris post dominicam qua cantatur Reminiscere litteras inferius annotatas vidisse in hæc verba MATHEUS &c. *Se föregående N:o 808.*

Transscriptum autem huiusmodi litterarum fecimus sub sigillo Curie parisiensis sigillari saluo jure omnibus Datum anno & die predictis.

Sigillet skadadt.